

張孝光忠君里民篤厚朴寔早喪父母事祖母盡孝殯
葬如禮縣令賈鎔廉其公直委主倉事孝光勤勞奉
法出入維均民無怨言

范秀生履中里民性孝友母陳氏素患癱疾難履者二
十年秀生經心醫葯左右護持未或少懈母歿殯葬
盡禮不以分委諸弟年登八十猶矍鑠焉

劉孝子名大仲黑馬渠民素深孺慕母病大仲晝則延
醫調葯夜扶母坐未嘗困倦病久乃陰自號泣祝天
割股以進母嗅有香氣喜食之病漸瘳里人舉報於

官縣令王玥曰割股非正也然出之愚蒙亦見至性
給扁曰孝率天真

段長福樂善里民業耕樵族兄長壽支身無眷屬以傭
工度日後年老不能力作福見其凍餒於乾隆元年
留與同居七載顧恤如同胞雍正八年邑學生楊敬
天遺銀七兩福拾得之給還乾隆伍年十月邑人楊
雷趕集失銀八兩號於市曰此吾一家性命所關有
憐而歸我者願以半相酬此銀適爲福所拾卽出以
授雷雷酬之福笑而不納市人有知者曰此卽數年

前還楊某遺銀者豈受若謝哉因邀至酒肆歡飲作
禮而散雅制台廉其遺事探入彰善錄乾隆十年五
月日暮雨後於撻麥場外拾得一囊檢視之皆婦女
衣服首飾之類福卽藏之麥秸中並未令家人知次
日閑外出招還主乃知是庠生李梅茂因雨過渡倉
皇遺去之物也

白來貢歲貢生任溫縣教諭持已有節課士有方溫邑
建祠祀之

賀壽字眉端忠寔謹樸樂善好施一時目爲生佛而

公卒無德色康熙十七年邑令胡贈扁曰克寬克仁
常仲讓字膚公任羅城知縣撫字荒服政簡民安勤勞
七載而卒宗族科第運綿爲一邑冠皆自先生啟之
張 伸邑庠生爲人退讓能忍人所不能忍有狂夫屢
以小忿詈於門公戒子弟鍵戶勿與校其人卒愧怍
而去國子助教會尙治爲立傳表其賢

賈來宣字丹詔篤寔謹厚閉戶讀書屢蒙督學優獎贈
匾曰行修言道

望君錄字殿颺任陵川知縣接物以誠持身以正存利

濟民物之意惜未遂所志而歸設帳宜洛嵩汝間門
下多大成之士所著有文浩集待梓

莫 曜字晶如事繼母極孝事胞叔極謹鄆邑文風凋
敝公任學博爲設大成鷹揚二會進文武生而訓誨

之科第遂興有李生者貧不能讀公佐以膏火之資
一力鼓舞卒成名士辦差董家隄鎮靜不擾官民便
之旋奉檄攝本縣事裁決如流而用刑平恕民興樂
只之頌鄆民有鬻孤姪者公代贖之越日報公長子
元龍舉孝廉民聞之喜曰固知善人之必有後也嗣

署扶溝學奉憲命捕蝗禱雨並查點烟戶稽盤好匪
因積勞成疾以終鄢人謂作本邑城隍虽冥漠事君
子不言然其正直無私取信於人有素可見矣

權 鑑字照臨任温縣教諭性至孝嘗爲父吮痔於縣

置有關係者尤事事留心邑令趙公亮漕米改折銀
數登封令阮公振益詳革盧邑懸糧俱勸紳民刊諸
石誌德政杜弊端也所著有悔過堂文集待梓

李 深字龍津歲貢生學問淵博尤潛心於性理諸書
嘗作独坐軒以見志邑令王表其齋曰德輝杜門教

十年書卷未嘗釋手所著有四書從朱商月令誌等書書逾九旬而卒

莫士珙字西霞康熙丙午科本房擬元呈荐主司堅意改魁彼此牴牾遂遭擯斥至雍正乙卯得選拔朝考一等一名引見時因部書貽誤竟不用居家孝弟節廉宗族化之邑令吳旌其門曰儀型宗党

常廷燦例貢生事繼母克盡孝敬爲族中後進立文會具酒餼收課卷不憚煩也又堂叔失業爲復之姪不能婚代娶之窮佃積逋焚券以卹之猛虎爲患募士

以除之邑宰陳公卒概不能歸持厚貲以賻之觀察
張太守龔屢加褒獎邑人擬舉孝廉方正辭不受

王爾鑑字在茲初任山東鄒滕益都等縣知縣陞濟甯
州知州遷曹州府同知補四川夔州府知府所至興
利革弊各事認真在東省兩次同考尤能以文章定
經濟拔取真才生平善書工詩歿後百餘年邑人遇
其片紙不惜多金購之

駱俊字英甫以比郭爲赴陝通衢往多水患獨出已
貲建石橋邑侯薩旌其門曰義行可風

常卜壽字彭齡持已接人動循規矩脆弟二長拔貢生
卜年次附貢生卜世家累數十口日用瑣屑皆公主
之一絲一縷無不均親鄰景慕以爲有三姜之風云
常卜年字鶴齡與莫元龍齊名進士李秋坪嘗論之曰
廣陵莫公雄於文者也鶴齡常公細於文者也其爲
前賢所景慕已如此

常卜枚字子占狂山西角杯鎮廵司乾隆乙未金川凱
旋之師路出蒲郡樊橋汎公奉札辦差省帑項減夫
工拔榮河萬泉虞鄉猗氏臨晉五縣民於水火中越

歲內申署絳州吏目又承辦五台大差除道修垣轉
糧運草之夫莫不舉手加額以爲此平易可親近者
髯公也公美鬚髯故以爲號焉

靳維新字西伯天性友愛事寡嫂董二十餘年無失禮
於庶母弟維垣維烈曲全成就有牛宏之度乾隆庚
辰以副貢選遂平教諭明年奉委協辦武陟賑毫無
苟且俗吏不能爲奸縣令也額其堂曰惠我黎民

莫伊槐品學兼優遇奇未售其戒子書曰天能靳我以
名不能阻我以功天能畜我以境不能薄我以德以

卷之三

三

三

非剝取民財何取之以備資斧公泣曰吾兄初爲貧士繼爲貧官兩袖清風鬼神可賀今縱拮据忍傷吾兄之志乎後由明經任臨潁訓導以廉謹稱

莫繼先性孝友季弟不肖父責之公屢跪乞恩季或有時紿其昔亦毫不介意怡怡如也家貧讀書夜無膏以香火照字年七十四誦終風且霍四句而歿

王來會字魯堂由庠生任如皋縣尉近二十年俗奢示之以儉談文則議論風生後以疾告歸餞送者數十里不絕

張其瑗邑庠生國子助教曾公爲作傳曰由孝父母推之以孝叔父由友兄弟推之以友從兄弟其天性之篤摯可想矣

李文質字用中嘗謂世人皆巧我獨拙世人皆智我獨愚欸欸悃悃無流俗狙詐之習子生員淋瀝亦持身以正有父風

郭萬錦字景亭伯父從兄相繼歿兩世喪葬代爲經營不言德有姊以年少孀居家貧子幼公曲全保護卒後爲建節孝坊並請入祠惟甥無恒產易簣時目猶

不暝公子同清不惜重貲爲買山庄一處善承父志
固知公之含笑於九原也

李景白太學生先貧後富未嘗以放債生息剝削窮民
遇凶年不買良家女爲婢年七十子孫慶滿堂焉

常居敬字肅齋壬午副榜治家有法同居八十餘口數
十年無異圖後隨弟懋敬之安平任動以無負朝廷
爲勸勉署內事經其籌畫未有不悉協机宜者

常懋敬字勉齋與居敬同胞亦同榜家累多而苦貧晝
飯牛牧羊夜則足履冰盆防讀書倦而思卧通藉後

任直隸安平知縣陞開州知州撫字心勞口碑載道
段溫經一案牽累無辜甚多上憲欲盡置重典公抗
稟曰殺人以媚人卑賤不能爲也事遂寢宦遊數十
年不染邊幅氣習葬公時進士李秋坪贈匾曰富貴
不能淫今合前後以觀所謂貧賤不能移威武不能
屈者公寔兼之矣

楊西序例貢生事堂上生養死葬皆以誠從父昆仲十
一人同居近百口門以內雍雍如也晚年尤加意軒
岐活人無算壽八十餘而終

王大士歲貢生性狷介安貧嗜學成就後進頗多壽八十有四卒後選蘭儀教諭子懋修邑廩生

李佑申號竹廬邑庠生品端學篤嘗與堂兄玉瑤及楊公卓雷公宏顯宣講 聖諭規勸一鄉父歿廬墓三

年墓側廣植菊花問之從其父生前所好也於時邑中名士多爲詩以慰之任房縣知縣常公學光又爲作行狀上之有祠欲以間諸 朝因先生力辭乃止比卒後作墓誌阡表則舉人范公執中副貢陳公志實先後無異詞焉

段大明太學生課子弟讀書延名師不惜巨費面貌尤
虔鄰里有疾多方周卹不責償不望報也過事明決
有爲累任邑令深加敬信每造門往謁談終日始去
陳聖簡字敬學才高學博制藝居然各家性尤正直端
方堪爲一邑師表

陳聖箴字顏學與兄敬學俱一時名孝廉嘗謂又無高
下須自成一家而秋坪之逸韻亭之厚均不如吾之
熟知其於此道三折肱矣

權 潤字雨蒼丁內艱毀幾滅性父照臨公任溫縣訓

導公以其應酬煩苦勸解組歸尋勝景於林泉話舊
情於族党公旦晚趨庭藹然孺慕老萊之風不過也
家故寒薄不忍藉老親作生活計張東渠推公爲誠
實君子有以夫

楊 雒增廣生祀祖祿必豐潔教子弟必敬恭嘗執業
於聖功王先生之門王非礼不動雒性端方洵不愧
爲先生弟子云

張 恕號柳堂幼聰慧入庠後周覽天下名山大川胸
中之學益進中年主講遂平吳房書院河陝道歐陽

公蒲州道伍公皆器重之聘爲西席本邑學博萬斯周扶亭薄與聯詩會成莫逆之交而有司衙門則非公事未嘗一至其胸中有守又如此

張錦文太學生仲弟歿遺孤三人皆爲撫育成立姪孫之艰苦者亦資其贈濟行年九十五世同堂邑令盧公表其廬而旌德焉

李名揚號秋坪年二十七成進士任安徽蒙城知縣裁陋規立書院修義倉頌声載道未幾以不獲上解組歸主講龍山書院十餘年所著有周易正字詩經正

字礼記正字尔雅音釋史綱史奇史評史觀姓氏考
服制集解秋坪雜俎等書惜兵燹後強半不全耳

莫瞻雲字亦亭四庫全書館騰錄議叙孟津縣教諭學
博才高足以理煩治劇藩憲吳特信任之

鄭步雲歲貢生性情方正礼度介然危坐終日儼如泥
塑嘗以公事見邑宰時方盛夏公手不執扇而無汗
容邑宰歎服以學深養遂君子稱之

郭起麟邑庠生同學廩增附合詞具稟舉孝廉方正先
達李名揚尤加歎賞

居上縣志
卷之六
三

常孝輝字維則與郭起麟同時舉孝廉方正亦由進士
李名揚倡始而具稟請申詳者則副貢陳志實舉人
范執中廩生杜菊也

牛元礼字敬亭由副貢任蘭儀教諭蘭舊有陋規廩銀
俱歸學署本生絲毫不得領公爲革除宿弊頌声作
焉子書秀孫鳳樓俱庠生書香甚爲綿遠

王子元增廣生狀貌魁梧性情耿直因賑飢而輸粟爲
關路而傾囊教養後生尤務敦實學易簣後舉人劉
乙山爲之贊拔貢常夢熊爲之銘見重於士林如此

莫夢鈞字伯雅年少登科隨父侍郎公入都按內閣中
書能識忠奸辨去就同鄉諸前輩咸加敬重惜未展
所學而卒

彭友芝桃花人耕讀傳家六世同居鄰里榮之

常 裕字元安事繼母優於養處昆季無所爭尤輕財
好義貧病者多蒙賑卹之恩

李葆泰字子安家甚貧晝耕夜讀衣不解帶者十餘年
乾隆辛卯登賢書歷任祥符新蔡內鄉洛陽等縣教
諭服御質樸儉以助廉子公式公萼公度俱列膠庠

爲一時名士

劉寶麟字玉亭孝友過人讀書至老不倦任新安教諭
數載非分之財毫不染指所著有玉亭雜俎待梓

郭延壽字南齡任陝西蒲城縣典史勤於吏治澤及窮
黎尋丁內艱徒步旋里百姓遮道送之居廬守制哀
毀異常服闋後將復出以展所學不幸遇疾而歿

黃克泰性喜爲善念路出山巔往來行人多病渴日具
清水一盂數十年未嘗有間又嘗周恤鄰里助人婚
嫁之資無吝色亦無德色也後以孫元吉貴 誌贈

通奉大夫人咸以爲積善之報云

常芸經字心田天性孝友好學不倦所著有學庸舉隅一書待梓以歲荐授衛輝府學訓導未仕而卒

常間孝忠厚傳家一門雍睦卒享五世同堂之樂

王潛字淮陽歲貢生父舉杰博學工書教奇不遇改習騎射入武庠設教城中大家文多加詳批爲後進指南淮陽承庭訓號通儒教人尤以德行爲先生平方正自持邑令宋屢請不往慨然曰淮陽視吾門猶徑耳表其閭曰品學兼優子洛學道光丁酉舉人家

學淵源至今士子猶思之

常道昇字景實嘉慶丁卯科房薦擬元主司亦擊節贊賞嗣因未寫添註塗改等字竟以失規被黜後任澠池孟縣等處教諭嚴立課程及門能遵循規矩多成名者

靳 鵬邑增生才力過人文宗先正每成一藝士林競相傳寫有洛陽紙貴之風

張仲修字德亭邑廩生天文地理無不貫通嘗手製渾天儀精巧絕倫又著有水道詳解及地輿圖考兩編

居鄉以德持已以禮接人士子虽未嘗及門遇之輒
娓娓講論不能輟族弟舉人大年進士王公定菴編
修李公惺園其學問淵源均於先生有得力云

郭泰昌字舒然事繼慈如生母有堂弟物化憫其婦孀
子幼極力保全不言功少業儒進僧生兩次中年習
射入武庠術精岐黃医病又屢施藥餌享年七十有
八邑令以文經武緯表其門

莫夢齡字仲錫宦濟上十有三載創建傳家祠單牖以
引湖水又創建三合土壩改戴村民塋爲官隄職是

數州縣咸安衽席既免衝決之患兼省修防之資而
且陰受魚米之利曾兩權觀察事適張秋黃水串運
晝夜督籌居民賴以無恐又籌備剝運緩急以時机
宜悉協他如捐俸錢籌別款爲任城書院生徒膏火
之資動政愛民謳歌遍野因於南旺廟僧寮之旁建
祠奉祀至今香火不絕德政碑存焉

常振綱字憤園道光乙酉亞元端方正直學問宏博孝
事叔母無異所生尤爲一鄉所感佩

李青藜字乙然舉止端方輕薄少年多敬畏之不敢近

而書理一經講解則 玲

門下舉貢廩增數十人又通方脈醫

先達均以品學兼優推之

劉吉太學生本族有貧乏者每口給稞租五斗日此
可足半年之食餘須聽其自謀庶免恣意養安流爲
蕩子十二歲以上未婚者加倍着留爲納婦之資而
錢糧皆已身墊完不令族人受累子乾元邑庠生承
父志亦能賑濟貧困有孟嘗君焚券之風

賈庭梓字子材邑庠生多聞識能文章每一藝成風流

自喜邑中高材捷足多從而受業於其門

石砥柱邑庠生敦孝友重交游有禹州劉生流寓至盧公以已館讓之年餘病故旅櫬無歸又出貲爲斂葬長孫耀光亦能修祠宇置義塚爲後嗣繁昌之計

郭岱字位東天資卓越尤長於唐宋八大家賦裁樂育人材邑中知名士皆歸之脩金不計多寡有餘貲則分給族中貧之無自私之意

侯文魁例貢生子安邦衛千總夏月爲拾麥人遍給湯餅清冊日爲地內無主坟墓各奠酒漿兩世如一俱

年逾九十而終

王冰壺邑庠生誦解文法書理當時登科第者多歎服以爲不及而謙謙君子終未嘗以自矜焉

王河清太學生族弟希緬由舉人大挑一等簽掣陝西苦無資斧公助以多金終不責償亦義士也

劉聲遠年八十餘見報施殿傾頽東川路險阻日吾老矣不以此時爲之他日恐無及也因獨力重修命子象坤督工費錢數百緡范里人爲刊石誌其事

莫夢颺太學生修家廟義學鄉党稱爲有用之士

駱志學例貢生少失怙王父患癱疾不脫冠帶而養數年如一日性尤喜讀書敦請名師課宗族子弟多成名者舍後山上有大樹一株被風吹折而公歿

郭 恕字如心例貢生幼失恃繼母馬氏賢而慈恕與妻李氏孺慕終身亦與所生無異也家風尤樂善好

施族鄰賴贍濟者甚多馬氏享壽九十恕八十二李八十八子孫曾元列成均游泮水彬彬然稱望族焉

楊萬春字壽亭一門孝友五世同居寬厚待人貧乏者

常蒙賑卹之澤

王卓然字定菴春闈報捷簽掣江南以盜賊縱橫隱居
不仕談經論道桃李滿門其天性樸誠居家孝友時
賢中尤多不能及

段培元邑庠生天性孝友身正家齊附近不肖之徒咸
以公聞名爲恥生平足跡所至人無老少罔不肅然
敬藹然親也弟鴻元庠生崇元增生俱行修言道鄉
党重之

李青上字江峰增廣生性情端方博通經史彙集忠孝
節廉之事編爲詞歌令子弟童而習之以養其心有

故實便授數卷待梓書畫尤工乞請者踵至公不屑
以此見長也後以子貴 贈文林郎

駱允中字心傳耕讀傳家一門孝友子孫曾元林立年
逾九旬邑令姚公表其廬曰五世同堂敬公又題跋
語以爲合邑有家者風

武重華邑耆儒儉以持身待人則甚豐厚每逢嘉平月
半聞有衣食不足者必周卹之後嗣之繁衍以此

茹朝昇太學生家計小康本不以筆耕糊口然性喜誘
掖後進講解未嘗憚煩先是百有餘年朱陽里無游

泮者至公勤於教讀始多上進之人而公子寔爲開
創且天性至孝善事寡母鄉党尤稱道不衰

曹玉崑性至孝躬耕奉母而甘旨常供母病篤拜斗焚
香祈以身代精誠所格母竟平復如常後公壽九旬
無疾而終同家至七十餘口

趙懋德歲貢生嚴氣正性以身教人生徒朝夕與居未
嘗見其有一時苟且

熊有光字耀庭天資類吳學有本源遊庠後設帳里門
隨材施教門下多成名之士

張建德字慎齋聰慧軼倫甚爲王淮陽先生所稱許里
人有誤出其妻者公移力挽回始得合浦珠還末幾
而舉弄璋之喜又邑中舊俗履頭多繡壽字公爲文
以辨其非風俗因之一衰至其精於醫術娶症多編
爲詞歌以標明治法人尤以三折肱稱之

秦統西字定一持已方正與人寬和嘗施地以埋暴骨
子孫曾元俱以耕讀傳家人庠食餼者輩出人以爲
積德之報云

石芸台歲貢生行芳志潔更優於解經爲士林所景仰

郭錦生例貢生胞弟出嗣食用產業未嘗有彼此之分
尤喜周卹親鄰縣令顧旌其門日好善樂施子恩貢
乙林亦克恪遵庭訓以敦本睦族爲急焉

麻廷錫歲貢生性情謹厚學問宏通與兄廷珍俱和易
近人循循善誘後生多樂就之

莫玉瑚太學生中年喪母父病割股肉啖之兼輕財好
義喜修橋補路享壽八十有奇

雷霽字亦佳太學生累督修城修隄不隨衆爲安便
工既竣姚明府設酒慰勞日他日序齒今日當論功

獨推公爲首座顏明府又給匾曰樂事勸工

樊友梅歲貢生性溫和謹厚不露圭角署唐縣學教諭
李虎奕邑庠生衙署教讀數十年無受人詞訟請託之
事年八十餘尤能於一粒粟中書天下太平四字

任彥方字碩卿咸豐戊午舉人孝友端方潛心學問循
循善誘門下多成名者又倡議修文峪寨命子太學
生書各及范宗淹等督工捻匪擾盧相機拒守衣不
解帶者月餘而千百家之人畜財產俱得藉以無恙

趙雄立與舉人任碩卿爲鄰村中築家樂意捐輸日出

此錢可以救親鄰勝留貽兒輩浪費也又值歲大祲捐錢三百仟文爲富室倡始邑中始得賑濟之資

申永成望營清人家非素封而喜於修橋補路嚴寒盛暑不憚劬勞乘鎮人心感難忘爲刊石以垂諸不朽杜宗桂字小山優廩生內直外方爲誨並進子逢庚有南宮之捷公益謙謹自持於邑中公事絲毫無所染趙永寬儉以持已厚以待人居恒破笠敝裘而舍祖厯七年之久五旬後得子女各一信積善有餘慶云

李芸芝歲貢生天性和平不設城府宴遊所至滿座生

風晚年尤饒有心廣体胖之樂

孟炎若附貢生作文得典淺顯三字訣後進多所得力
李如岡字祝亭從九品性情謹厚爲人謀解有不忠鄉
党或起爭端公至輒一言立解

甯遜敏字時若兄歿姪幼教養成立後姪婦蔡氏少孀
無資撫孤公苦爲經營保全名節嘗捨金五十兩卒
遷其人享年八十有七以孫貴 贈奉直大夫

常自任字莘川立品端方性情和易既入孝而出弟人
無間言復戒訟而拯貧士皆矜式年七十舉鄉飲正

賓先捐州同後以子貴 贈修職即

郭 岷字江源己未 思科經魁才優學博內直外方
遊其門者累登科第他若修城工辦軍需襄賑務尤
能各事認真減除浮費撫憲錢保舉以知縣用

駱雲漢字翔衢能敦本睦族昆季十餘家闕注無門戶
之別尤輕財好義凡邑中公務未嘗有觀望周章致
落人後者撫憲錢保舉州同職

郭檢身邑庠生童時拾白金百餘兩出帖曉示失主後
某携酒來願酬一半公卻之稱謝而去

薛恒性歲貢生嚴以持已寬以教人不愧一鄉坊表

李成蹊邑廩生言行不苟學問從縝密中涵養而出不
專靠文藝了事門下登科人泮者數人

王耀宗千總職天性至孝年逾五十孺慕之意不少哀
母祁氏喜施與公善推親意族党多蒙贍濟之恩

張廷舉從九職因辦公勤慎保舉以巡檢用生平重詩
書敦孝友遇端人正士尤諳諳訓誨諸子奉爲儀型
常寅章從九職與庠生段鴻元監生吳啟元督修城工
而基固而耗財少辦公寔爲一邑之冠

趙明德字俊臣積學未售而工於課幼二子入膠庠爲邑中名士其孝友之誠亦有加人一等者

劉震元字定齋同知銜生平設義學施義田焚券捨衣指不勝屈光緒一二年間乞兒動至千百逐已親身開發未嘗憚煩至歲遭大祲捐賑錢八百仟文又施席雇人瘞道殣四百有奇經正書院工竣捐于金助膏火之資他若三門一帶冬月行旅病涉舍糶粗以造橋梁同治元年賊營逃出難民量道路以給資斧種種善舉確有可憑詳誌之以爲一邑風

趙秉策孝友克敦樂善好施里人咸敬重之

賀克敬邑庠生避亂遇賊諭以大義賊帖然心服暨旗於門令日毋警賀先生家口盛德之所感何如耶

王希綬歲貢生學問淵博十三經月溫一週至老不倦門不多成名之士同治壬戌年九十七矣避亂遇賊同行者多被戕見公獨肅然起敬且以飲食饋之

張安邦字靖軒以子貴 贈文林郎孝慈友恭一鄉推重歲壬戌至南山避賊爲土寇所劫身被重傷弟安民以救兄隕命賊懼公猶生率眾又至公佯死挺卧

密喚家人環哭賊乃引散傷愈鳴於官卒令大寃克
伸兇人授首其老成持重遇變能保身有如此

劉維字邑儒童壬戌被擄賊令書旗曰奉天宇書曰奉
天賊怒將殺之有緩頰者始得免夜夢 閔帝謂曰
可以去矣次日果得逃出

王懷本夔川民繼母弟懷固甫十歲爲捻匪擄去懷本
懼貽親憂潛往找尋至賊營深處兄弟相逢涕泣懇
求賊許以金贈之後因償債產落毫無怨言析居時
尤厚讓焉

國朝遇難不屈之士

朱義配栾川人勇武絕倫齊二寡婦重其名欲除之公笑曰鼠輩乃欲我妄爲耶挺身孤往擊殺數十人賊以精騎圍裏愈殺愈多公戰久力疲卒無降意遂仰臥聽其支解而死

以下俱嘉慶二年三月事

趙熙玉及弟熙法熙魁因父死未殮恐賊燒屋焚屍糾衆抗拒俱被殺妻李氏及二弟婦俱守節以終

常志道張村人授徒叫河鎮賊勒之降大罵不屈死與朱義配同祀陝州昭忠祠

賀 銓朱陽閩人楚匪至率鄉勇守清官嶺隘口戰敗
被戕子文生堯臣奮不顧身爲父報仇亦遇害祀陝
州昭忠祠 以下俱嘉慶三年臘月事

樊第發雙榭樹民賊至不去欲以理爭賊引刀刺其喉
大罵而死

宋建中橋梓村人罵賊不屈遂遇害 旌入忠義祠
莫伊萃率鄉勇擊賊以衆寡不敵被戕

傅玉鼎字瑞甫從九品性情剛直狀貌魁梧邑令黃派
充團總崔狗姓寇棗川因衆寡不敵戰歿奉

旨給雲騎尉世戠襲次完時給予恩騎尉世襲罔替並給

卹銀一百兩從祀陝州昭忠祠

以下俱咸豐七年五月事

楊保全孫六泰任喜姬成范永貴李永智俱從傅玉鼎

陣亡各給卹銀十二兩五錢

白錫勝百炉溥民母徐氏年幼孀居撫勝成立隨傅玉

鼎擊賊同時被殺留母孤苦無依幸姊夫中允升念

母守節子死義代養二十七載無失禮焉

薛國榮邑庠生粵匪至沙窩川欲降之榮罵不絕口賊

斷其左臂與鄰人劉貢同時死

以下俱同治元年四月事

賈建基竹園村民父監生天福年七十有八賊至基負之而逃俱被殺

周之冕邑宿儒明季殉難廩生新命之後裔也避亂南山被賊逼脅至城中公罵不絕口賊以爲義士不忍殺之投井死

杜玉清城內人與兄廩生玉振奉母避亂南山中玉清謂兄曰汝負母先行我以身當賊少頃賊至相與鬪良久兄母幸得脫賊益衆遂被戕

李正統張家灣人罵賊不屈死

李葆希邑儒童被賊逼脅至三門後堅不肯行因遇害
甯步鰲亦張家灣人習拳棒有膂力自崖穴下與賊鬪
寡不敵冢被賊寸磔而死

劉玉麟范里民在南山遇賊不忍舍母獨去力鬪死弟
瑞麟亦同時殞命

武銘山龍項村民奉祖避難賊至不忍相離俱被殺

徐餘歡樂川民罵賊被斫登時氣絕鄰遂謹札刀鬪死
張中林張壬午寺峪民皖匪由靈入盧林寺與鬪屢挫
賊鋒賊銜之鳩党大至俱遇害鄰人李萬福亦以併

力拒賊被賊擒剄爲三

以下俱同治元年八月事

馬思功亦寺峪民與賊鬪不勝見殺同時死者有張建基吳登科許天成屈萬貴王兆思等十三人

董發金董發茂亦力鬪死兄弟家屬凡八口無一存者駱豫重馮家灣民素習拳棒避亂遇賊奮擊之未幾賊益衆圍數重力屈見耒同村駱馴騮亦罵賊而死

姚金盈瑤子村人避亂山中賊尾及之罵且鬪因被戕范臨池文峪民以拳勇設教沙窩川賊至率生徒截擊衆寡不敵失足深淖中遂遇害

莫鴻鈞澗北人奉母避賊崖洞中洞破母投河死鈞流涕大罵賊推鈞入井以石擊殺之

王振丁澗西人避亂崖洞中賊招引百端不肯出因用火攻投崖死者十九人王夢春與焉

張成儒靳家凹民幼習騎射勇力過人携宋劉兩壻避賊崖洞中賊以繩繫人至洞口成儒執戈刺殺之觸怒羣兇積薪焚洞賊去後親鄰往視死者二十一人皆焦頭爛額而成儒端坐其妻死屍上七百洞胸猶未啟妻喉斷寸許血迹宛然如故也

傅全興王村人匿石穴中發砲擊賊首不中賊攻穴益急興曰不可令賊及汚吾頸也段崖死妻史氏殉焉雷中書雷中泰張村人避賊崖洞中見賊破鄰家洞悉遣子夜遁曰事急矣不可使雷氏無遺種家屬悉委我母爲賊得也次曰賊大至乃各手及其妻女及子婦而出與賊鬪皆死焉

張廷澍蒲峪河人逃難石洞中賊置雲梯入洞逼之降不從賊以芦席捲之置火上至死罵不絕口

劉萬貞劉家村人提刀欲取賊魁羣賊環繞刺殺之

趙元慶東營村民賊欲傷其母元慶痛哭流涕請以身代賊果杀之而赦其母以去

常 勵邑庠生擒匪由南召至栾川欲降之勵罵不絕

口遂被殺

以下俱同治三年二月事

李永潔太學生負母呂氏逃难被賊斷喉而死

常夢颺太學生在栾川遇賊賊聞其善医勸之降公佯許之暗引矛刺賊遂被戕從祀忠義祠

常 愿栾川民子明善復善年少多才賊欲携去愿曰

身可殺志不可降也遂俱慘死從祀忠義祠

李士華邑儒童應試屢列前茅聞兄士德爲賊傷荷戈奮往罵不絕口惜一木難支力鬪死

徐吉昌栾川民痛元年四月其父餘歡死於髮逆搶匪至罵且鬪又被傷

常顯章太學生在葛半海與賊鬪有李丕績賈玉順常思勵常思盛四人同時死

李南英副貢生博極羣書未嘗片紙入衙教授生徒門下多成名之士

呼延興太學生以勤儉起家而待人寬厚有焚券之風

子孫蕃昌書香不絕

陳含忠恩貢生性情寬厚言呐呐不出而胸有涇渭於
匪僻之徒未嘗假以辭色

楊生華太學生卜箱峪渡口造般科派甚多公倡議減
除浮費里民便之

熙朝人瑞

甯 斌黃家村民按舊誌年九十五歲尚能耰田舂米
浩飲狂歌曾被皇恩給賜粟布

莫維清西山里民壽一百零五歲

高居州住慶家溝壽九十七歲五世同堂家屬七十餘

口

王廷仁陶灣北溝人現年一百零一歲筋力強健尙能
植杖耜田不少息

莫舒泰邑宿儒現年八十有八胞弟增生景虞亦高壽
八十有五邑人以爲不愧爲競爽云

重修盧氏縣誌卷之九

樓峯郭光澍霖三氏編次

方技 仙釋 流寓

人物

方技之流各臻妙詣或有資於人事或有入於社
奇自古不少傳人至於神仙僧釋或歷劫不死或

諸相皆空彼既各有其道詎可不誌其踪以及賢
豪流寓輝及山川景仰遺風即成勝蹟尤爲彰卓
而不可廢滅者故
井次人物而誌之

方技

周

扁鵲太子死扁鵲至國中庶子曰暴麗而死扁鵲

曰尚可活也庶子曰先生得母誕乎曰臣聞古有俞
附瘡病不以湯液乃割皮解肌湔洗腸胃漱滌五臟
太子復生

明

劉真還萬厯間修真長春觀煉五雷正法驅雷鞭電喚
雨呼風無不立應每旱本府太守必請禱祈壽一百
一十歲無疾而化今煉將台猶存

笑和尚蟒鑄川毒蟒爲患行旅斷絕忽一異僧不知何
來有笑癖焉遂名之覩此蟒異哈然而笑翌日驅蹇

載囊至蟒吸吞之和尚聳身高崖哈然而笑頃臾罅
中烟起蟒已焚死覓和尚忽不見人臨罅視之始知
向所載者火種硝磺尔技虽小而能除大害故傳而
誌之

唐漆萬厯年間東閩人心思工巧製作精奇能爲本馭
轉磴竹龍吸水之術若大用之輪扁疾徐宋人癖統
必有可觀

朝王桂青字林一讀范文正公不爲良相爲良醫之語默
有所契精研方脈足不下樓者十年斷人夭壽存亡

百不一爽鄰人夢歷代名醫廟中添公一座越日而計音至矣子謙益人呼爲上大夫姪應林人呼爲下大夫虽神妙稍遜於公而亦均有起死回生之術

常振坤隋貢生精於啞科嘗遇又峪見羣兒共戲竊語人曰此曾當羅水災惟某可免既而果然生平斷諸幼毒天尤多有奇驗歿後數年在南山屢著靈異携葯囊医病相訪者每無心遇之

陳子夏少嘗師事劉直達能斬妖伏魔呼風喚雨其徒蘇某符籙更超妙入神人咸以大法師呼之因相沿

日久鮮有能道其名字者

仙釋

周

函閔尹喜望東來紫氣迎老子受道德五千言遂於盧氏九泉山修煉註經

秦

盧敖秦博士遊北海求仙至蒙谷上見一道士卷龜殼而食蛤蜊曰夫子可與敖爲友矣道士嘆曰我將南遊平莽曠之野北息平沉默之鄉西窮窅冥之里

東貫洪濛之光吾與子汗漫遊於九垓之上乃舉臂
聳身雲中敖仰視曰吾比夫子若黃鵠與壤虫也後
敖亦登仙而化

抱犢真人抱犢山四面峻削頂勢平坦昔有抱犢而上
牛長用以耕之偶食仙草真人跨犢仙去至今石洞
牛跡宛然

唐

永禪師開元間房瑄宰盧氏與道士邢和僕遊過霞口
村入廢佛寺坐古松下和僕使人鑿地得壑中所藏

姜師德與永禪師書謂瑄曰頗憶此耶瑄因悵然悟
前生之爲永禪師也

白華禪師熊耳南麓妖蛇爲祟白華長老驅逐之遂建
刹焉叢林蒼翠芻苢繁夥因兵燹遂廢

石碓子縣治東南百里許有石碓山峰巒疊翠松柏蔥
鬱舊有羽士卓錫於此自號石碓子曰沉醉人不得
其醉所與之語笑而不答醉則卧寤則歌歌曰崑崙
有五色蓬萊有九氣太孫天之孫不周天之柱廣成
寓崆峒鬼谷居靈夢希夷卧華嶽琴高入重濛賣菜

瑯琊遊踏歌長安道緱山王子喬商嶺隱四皓我亦
爰此山山水喜相連松腴饒有味石瀨干二年醉服
覩世情壺中天地寬人莫解其意呼爲瘋道士間下
山人啖之齋值大雪數日未下山人僉謂瘋道士餓
死矣登山視之空庵寂寂卧榻側盃盤狼藉一器一
具酒氣逼人因跡所往乃於石壁間得一詩曰松陰
數載卧乾坤一懶人若覓真踪跡日雲深處尋筆墨
淋瀝不知所往

渴睡龍王橫澗川立祠祀之遇旱禱雨聞鳴鈺擊鼓輒

憑人以傳言語多奇驗嘉慶時邑令方公親往致禱
疑爲妖妄因難之曰人是人神是神人豈可粧神乎
所憑者昏睡須臾即起而應之曰尔爲尔我爲我尔
焉能浼我哉且謂某素不知書適倩蘇東坡代爲屬
對耳方於是虔誠下拜甘霖立至

雲中子未詳何時人祠在三川白雲山性喜酒邑人扶
乩一請即至有段生求寫屏條一幅其降壇詩云桃
源桃源語非妄板屋數椽觀所尙豈惟辟世入山深
自擬羲黃人以上未後書雲中題三字墨跡淋漓大

屋上果言
卷之六
三
有生龍活虎之狀

國朝

長毛和尚乾隆時寓居范里之龍岩寺終日閉目靜坐
不食亦不言後厭其近市囂塵獨往徹道溝土穴中
靜坐如故時有狼虎守門而未嘗傷人值大雪數日
天晴不見居民爲立祠塑像祀之惜法號未傳人見
其久不削剃呼爲長毛和尚云

流寓

隋

魏先生通音律大業間隱熊耳山南楊元感既敗李密
亡命過此先生遇之曰觀子氣沮而目亂得非蒲山
長者乎密告以誠先生曰子無帝王之宏模乃乱世
之雄才也汾晉王氣物色事之可與成功密艷然去
與翟讓起兵東都及爲世充所敗方憶先生之言即
日歸唐先生蓋有道者不留其名

宋

劉 易忻州人嘗寓居號之盧氏趙抃荐其行誼賜號
退安處士及卒韓琦祭以文云剛介之性天下能合

者有幾淵源之學古人不到者甚多其爲所知如此

金

申萬全字百勝高平人少有聲太學中貞祐二年乙科

調福昌簿隱居盧氏山中以讀書爲業正大中召爲

史館編修

王彳字子文洛州人承安中進士爲尙書省椽知管

差除郎官可否即棄官去往來登封盧氏山中改名

知非字無咎自號照了居士後不知所終

元

蔡子英永甯人舉進士累遷顯官元末單騎入南山徐
達執之明太祖授以官不受知其志不可屈禮送出
京流寓盧氏西山以終其節今所稱蔡家溝是也

明

任 翰字少海四川成都人官至考功司郎中遨遊盧
氏遂寓居焉後赴召入京

賈尙桓不知何許人明末入盧爲道士住栾川太清宮
嘗數日不食鑄磨性彈重一鈞晝搜之行有所絆不
返顧非人代爲疏通癡立如泥塑人夜則撒百錢室

中摸如數方就枕一夕二妹自山東來皆道妝相對
歎歎語言多不可解越宿即去後聞烈皇殉國難披
髮跣足號泣三日死

國朝

馬中駿宜陽人寓盧氏東鄉中辛卯科鄉試任江夏縣
知縣